



21. april 2026

UPA 2026/17

Uunga siunnersuut: Pinerlunnikkut aningaasarsianik malunnarunnaarsaanermut, qunusiarinninnikkullu anguniagaqarnermut pitsaaliuinermit suliniutitut inatsisini assigiinngitsuni inatsisit aalajangersagaannik allannguinermit, Kalaallit Nunaanni atuutilersitsinermit peqqussummut (pinerlunnikkut aningaasarsianik malunnarunnaarsaanermut inatsit) Namminersorlutik Oqartussat ilanngunnissaat pillugu Inatsisartunut aalajangiiffigisassatut siunnersuut.

(Aningaasaqarnermut Naalakkersuisoq)

Pinerlunnikkut aningaasarsianik malunnarunnaarsaanermut, qunusiarinninnikkullu anguniagaqarnermut pitsaaliuinermit suliniutitut inatsisini assigiinngitsuni inatsisit aalajangersagaannik allannguinermit, Kalaallit Nunaanni atuutilersitsinermit peqqussummut (pinerlunnikkut aningaasarsianik malunnarunnaarsaanermut inatsit) Namminersorlutik Oqartussat ilanngunnissaat pillugu Inatsisartunut aalajangiiffigisassatut siunnersuut Siumut sinnerlugu imaattumik oqaaseqarfigissavarput.

Inuiaqatigiit peqqissut aammalu atugarissaartut pilersinneqassappata pingaarutilerujussuuvoq akileraarnaveersaarlutik imaluunniit anngiortumik sulineq pinngitsoortivinnissaat. Soorlu aamma Siumumiit ersarissumik ikiaroonartumik anngiortumik eqqussuisarnerit akiorneqarnissaat timalimmik ilungersuutigisaripput. Qinigaaffiummi siuliani ilanngaaserisut amerlatsisarnissaat aammalu atugaasa pitsanngorsarnissaat aningaasaliiffigineqarneri sulissutigalutigit ingerlatsinikuulluta. Tamatumunnga suli annerusumik sulinissarput pingaarutilerujussuuvoq. Tassami ikiaroonartulerisartut malunnarusallutik suliuartarnerat akiorniarlugu sulineq annerulersinneqarnissaat pingaartutut Siumumiit isumaqarfigigatsigit.

Naalakkersuisut siunnersuummik uumanga qaqitsinerat pingaarnertut qulequttanut pingasunut sammivoq, tassalu Inuussutissarsiornermut aqutsisoqarfiup (Erhvervstyrelseip) nakkutilliinerulernissaanik imaqarpoq, taamaasillutik soorlu kukkunersiuisut imaluunniit naatsorsuuserisut kukkunersiuermit inatsimmik akuerisaanngitsut pillugit misissuisinnaanerit annertusineqassallutik. Aappaattut innuttaasut kiisalu suliffeqarfiit inuussutissarsiornermut aqutsisoqarfimmut (Erhvervstyrelse-mut) nalunaarsuisussaataaernerannik piumasaqaatit ersarissarneqarput. Pingajuattullu suliffeqarfiit malunnarusaanermik ingerlatsisunik pasilluteqaraanni "oqajamaanut" tassa whistleblowerinut ilaatitsilerneq maanna ilanngunneqarluni.

Naggataatigit periarfissaq manna iluatsillugu Naalakkersuisumut ersarissumik kaammattuutigissavarput aningaasarpasuit anngiortumik eqqussuiniarsarisuniit



arsaarinnissutaasut nunatsinnut pinaveersaartitsisunut soorlu ilanngaaserisut atugaannut imaluunniit timersoqatigiiffilerisunut atorneqartalernissaat anguniarlugu suliniarnerit ingerlateqqullugit.

Siunnersuut Siumumiik ilalerparput isumaqarpugullu siunnersuut una taamak isikkoqartillugu akuerineqassasoq, ataatsimiisitaliamut ingerlateqqinngikkaluarlugu.

Erik Jensen, Siumut